

文昌帝君救劫集福寶懺

文 帝 聖 像



重刊道藏輯要
懺法大觀卷五

九天元皇文昌帝君救劫集福寶懺
玉府勸化染翰真官蘇集敬撰

廣化弟子惠覺校訂

起讚

元皇仙帝三教聖人顯從浩劫歷艱
辛萬化總宏仁崇祀明禋恩

焚香真言

妙香爇爐味透天衢巨玉女化現
太古之初氤氳繚繞敬迓龍車

獻花真言

花爲丹蕊 有色仍空 空中之色

人天允同 識厥妙諦 翔步仙蹤

燃燈真言

燈印靈臺 昭朗天街 幽明炯照

性慧常開 敬陳法席 掃蕩陰霾

酌水真言

水滌塵氛 太乙之精 先天一氣

無濁有清 潤酌龍井 以貯金樽

伏以

萬殊總歸一本。三教本自同原。或則
言虛。虛則有實。或則言實。實盡仍
虛。是天地之化育。即誠明之終始。
不從無極。焉生太極。不見小成。孰
顯大成。緬維問禮殷殷。不勝猶之歎
。談玄落落。無非道一之傳。德不顯
而天下平。道無名而萬物育。所以五
千言之洋洋灑灑。遂開七十子之汲汲

皇皇。惟過化斯可存神。而達天乃能
知聖。即今仰溯九天之上。已早克成
百世之師。循學利以企生安。猶返還
而獲超證。蓋能明心而見性。總號聖
人。亦真抱一以守中。方爲實學。今
則因禮元皇。揭明宗旨。嘉與後學。
首敬

先師。如側杏壇。五體投地。
至心敬禮

萬世師表大成至聖文宣王

復宗述亞四配聖人

聖門配享十哲名賢

聖門配享從學諸賢

聖門配享歷代理學真儒

開懺偈

仰啓紫微垣
宏仁位帝天

仰啓紫微垣
桂宮內外仙

仰啓紫微垣
鸞鶴赴經筵

微臣淨身口齋沐禮瑤編

願上無疆祝靈感永綿延

敬稽帝歷世光明次第宣

大聖宏仁救劫大天尊三稱

弟子等伏聞

神道設教。啓自聖人。對越事天。遂

開佛老。虎皮講席。曾叩警衆金聲。

梵號瑤章。聊代適人木鐸。視不見。

聽不聞。體物不遺。臨在上。質在旁

。思真如對。昊天曰旦。孰敢馳驅。
昊天曰明。疇敢戲豫。仰惟
大聖元皇。十七世之化書。靈異累累
。比擬
彌羅聖主。十七光之瑩徹。配合昭昭
。自然而然。非識可識。謹炷真香。
秉誠上啓。
三清三境三寶上帝
昊天金闕玉皇上帝

九華玉闕后土大帝
圓明道老支天大帝
勾陳上宮天皇大帝
紫微星宮北極大帝
天地始炁五老上帝
日宮天子鬱儀帝君
月華天女結璘皇君
玉清真王長生大帝
東宮慈父青玄上帝

琅霄天府昭化大帝
玉虛師相玄天上帝
貞明上聖雷祖大帝
三元三品三官大帝
火府扶桑丹陵大帝
南方三炁洞陽大帝
主瘟天府旻天大帝
東嶽天齊仁元聖帝
三界伏魔協天大帝

東華洞主救劫帝君
三教宗師孚佑上帝
金闕上相四大天師
大羅班首總監帝君
天醫院內諸大真君
玉樞右宰宏教真君
玉宸少宰宏濟真君
北斗七元解厄星君
南斗六司注生星君

周天河漢列宿羣真
桂宮內外一切高真
值年太歲至德星君
當境城隍顯佑尊神
東廚司命竈君尊神
鄉坊里域社令尊神
雲空過往糾察尊神
悉仗真香普同供養
入意

至心皈命禮

不驕帝境。玉真慶宮。現九十八化之
行藏。顯億千萬種之神異。飛鸞開化
於在在。如意救劫以生生。至孝至仁
。功存乎儒道釋教。不驕不樂。職盡
乎天地水官。功德難量。威靈莫測。
大悲大願。大聖大慈。九天輔元開化
。主宰司祿。職貢舉真君。七曲靈應
。保德宏仁大帝。談經演教。消劫行
化。更生永命天尊。

拜請

大元皇。開天列宿張。微臣羣叩首。
誦應吉祥光。

第一上應大吉祥光章

臣等伏聞

天相爲吉。瑞生曰祥。河馬呈圖。羲
皇闡苞符之秘。堯階挺秀。莫^冥莢^甲叶^協晦
朔之期。玉書曾誌遊麟。紫雲欣傳覆
屋。是爲萃驟。總屬休徵。在昔

彌羅聖主。大放是光。無與等者。
元皇初世。上以應之。張宿照臨乎下
土。感而降生。祖揮習業於張弓。爰
茲錫姓。系緣帝胄。星列天廚。居士
宰官。既難與爲衡論。南箕天畢。亦
莫並其輝煌。是間氣之鍾靈。爲生民
所未有。不曰吉祥。復何等倫。臣等
忝列人身。幸生中土。賦氣本庸。福
緣素薄。仰對元皇。曷勝欽仰。敬禮

吉祥。大放光明。倘能叨沐是光。照耀厥身前後。門多瑞氣。弗希芝草之生。積有流光。倖享身安之福。降自天而稱瑞。惠在帝而邀祥。踴躍歡欣。五體投地。

至心敬禮

鬱單天大宿照臨更生永命天尊
鬱單天帝室苗裔更生永命天尊
鬱單天桂香內殿更生永命天尊

鬱單天文昌上宮更生永命天尊
鬱單天金闕內相更生永命天尊
鬱單天玉清上宰更生永命天尊
鬱單天檢校太師更生永命天尊

拜請

大元皇。譜牒出天潢。微臣羣俯伏。
稱揚智慧光。

第二上應大智慧光章

臣等伏聞

智由天授。慧非人爲。夙命素通。靈
臺別多解悟。得天最厚。性地自發光
華。在昔
彌羅聖主。大放是光。無與等者。
元皇再世。上以應之。生長荆蠻。不
染斷髮文身之陋。磨礪_積學術。遠師敦
詩說禮之邦。獲大洞之真經。道參元
始。受大訓於太史。心契唐虞。習俗
難移。靈通罕匹。杼軸獨涵寸念。菁

英遠耀千秋。不曰智慧。復何等倫。
臣等忝列人身。幸生中土。染夫習尚。
。囿於方隅。仰對
元皇。曷勝欽仰。敬禮智慧。大放光
明。倘能叨沐是光。照耀厥身前後。
錫下愚以敏悟。示上達之階梯。飛仗
喝來。或得參乎三昧。垂青迪我。遂
幸具夫六通。踴躍歡欣。五體投地。

至心敬禮

禪善天澄眞證觀更生永命天尊
禪善天定慧光明更生永命天尊
禪善天與天常覆更生永命天尊
禪善天與地並載更生永命天尊
禪善天助國救人更生永命天尊
禪善天消劫行化更生永命天尊
禪善天靈應自然更生永命天尊

拜請

大元皇。千秋孝友揚。微臣參禮畢。

稱頌柔和光。

第三上應大柔和光章

臣等伏聞

柔斯能順。和可處羣。暴戾化而淑氣
流行。乖張消而斯人吾與。判存亡之
介。須監齒舌剛柔。厪樂易之懷。迴
別阿私朋比。在昔彌羅聖主。大放是
光。無與等者。元皇再世。上以應之。孝養默禮形聲

。庭幃全臻悅豫。吮癰_拙剗股_主。既格蒼
穹。廬墓毀哀。更平泛濫。遺孤子立
。承重篤大父之恩。冢嗣再延。致恭
聯乃兄之誼。總緣性天純粹。斯見孝
友溫醇。不曰柔和。復何等倫。臣等
忝列人身。幸生中土。淑陶殊淺。情
性多乖。仰對元皇。曷勝欽仰。敬禮
柔和。大放光明。倘能叨沐是光。照
耀厥身前後。敦祇恭於庭內。效執玉

之持盈。乖氣潛除。亢悔不形於日用。
。流謙終吉。肅雍常佩於身心。踴躍
歡欣。五體投地。

至心敬體

無量天空山雪老更生永命天尊
無量天道總混元更生永命天尊
無量天誠心接物更生永命天尊
無量天保生扶教更生永命天尊
無量天太上授丹更生永命天尊

無量天古皇示隱更生永命天尊
無量天西域行化更生永命天尊

拜請

大元皇。豫順善行藏。微臣羣上溯。
稱揚忍辱光。

第四上應大忍辱光章

臣等伏聞

受殘爲辱。堅守在忍。立身無愧。何
妨含垢包羞。見道旣真。方許舍生取

義。在昔
彌羅聖主。大放是光。無與等者。
元皇再世。上以應之。周幽懷諫。甘
飲鳩以捐軀。漢呂猜嫌。不終王而受
毒。興海波以救母。罰貶邛龍。勸魏闡
而追師。猝遭流矢。不曰忍辱。復何
等倫。臣等忝列人身。幸生中土。涵
養未深。動逞血氣。仰對
元皇。曷勝欽仰。敬禮忍辱。大放光

明。倘能叨沐是光。照耀厥身前後。
任人欺侮。甘自卑躬。勉事包荒。何
妨唾面。體太上退步之法。效君子三
返之思。踴躍歡欣。五體投地。

至心敬禮

上壽天寶光慈應更生永命天尊
上壽天歷劫度人更生永命天尊
上壽天扶危拯苦更生永命天尊
上壽天英顯垂慈更生永命天尊

上壽天天籙崇顯更生永命天尊
上壽天帝眷宏深更生永命天尊
上壽天牖民覺世更生永命天尊

拜請

大元皇。多生姓字芳。微臣羣稽首。
稱揚無礙光。

第五上應大無礙光章

臣等伏聞

一生或備三多。累世難希一轍。前途

有礙。未免崎嶇。積行無虛。永臻坦
蕩。在昔彌羅聖主。大放是光。無與等者。
元皇累世。上以應之。漢魏周秦。孝
仲嘉名永錫。隋唐晉宋。恢張芳姓。無
更。總大宿之應生。超千古而如在。
脫輪迴之苦趣。獲美報之逍遙。不曰
無礙。復何等倫。臣等忝列人身。幸
生中土。宿命難通。往因鮮識。仰對

元皇。曷勝欽仰。敬體無礙。大放光
明。倘能叨沐是光。照耀厥身前後。
破塵凡之障蔽。通生死之關津。來去
無拘。隨時俯仰。性天不昧。常獲優
遊。踴躍歡欣。五體投地。

至心敬禮

不驕天提衡藝苑更生永命天尊
不驕天總領英雄更生永命天尊
不驕天和神濟物更生永命天尊

不驕天敦倫篤行更生永命天尊
不驕天大慈大悲更生永命天尊
不驕天救苦救難更生永命天尊
不驕天至仁至孝更生永命天尊

拜請

大元皇。素位裕安詳。微臣羣瞻仰。
稱揚平等光。

第六上應大平等光章

臣等伏聞

大道端尚持平。榮身何須殊等。半通
是綰。亦號居官。一介無求。自堪任
道。在昔
彌羅聖主。大放是光。無與等者。
元皇累世。上以應之。漢章曾令臨河
。鴻聲未顯。順帝轉爲孝仲。大業難
舒。不慕寵而希榮。偏韜光而用晦。
醞釀純粹。涵養溫文。不曰平等。復
何等倫。臣等忝人身。幸生中土。繫

心榮利。役志功名。仰對。
元皇。曷勝欽仰。敬禮平等。大放光
明。倘能叨沐是光。照耀厥身前後。
平常守此中庸。毋索隱而行怪。等級
統茲儔類。且混俗而和光。不失人身
。永能辨道。踴躍歡欣。五體投地。
至心敬禮

應聲天青陽啓祚更生永命天尊
應聲天雷杼鍾靈更生永命天尊

應聲天皎皎金姿更生永命天尊
應聲天瑩瑩玉梓更生永命天尊
應聲天吳會流形更生永命天尊
應聲天潼水鬯道更生永命天尊
應聲天永劫無沈更生永命天尊

拜請

大元皇。三教推循良。微臣羣敬仰。
稱揚自在光。

第七上應大自在光章

臣等伏聞。

役志勞形。雖在尊榮。弗適。樂天知命。
。自然闇淡。彌章。理義克守。貞。師儒
允重。王公不能屈。俯仰常寬。在昔
彌羅聖主。大放是光。無與等者。
元皇曩世。上以應之。隋運終而時數
不濟。教思廣而生徒偏多。河汾布講
帷。祖述周孔。甄陶盡王佐。遠邁孟
荀。浩浩自如。安安是適。不曰自在。

。復何等倫。臣等忝列人身。幸生中
土。昧於素位。怠厥修來。仰對
元皇。曷勝欽仰。敬禮自在。大放光
明。倘能叨沐是光。照耀厥身前後。
俾俯仰以常順。任出入以無拘。樂意
閑閑。鳶魚淵無非妙道。幽懷落落。動
靜俱見真機。踴躍歡欣。五體投地。

至心敬禮

兜率天座鄰魁前更生永命天尊

兜率天象埒 戴匡更生永命天尊

兜率天騎箕聖窟更生永命天尊

兜率天乘參麗井更生永命天尊

兜率天通真先生更生永命天尊

兜率天大慈仁者更生永命天尊

兜率天萬靈教主更生永命天尊

拜請

大元皇。施濟澤流長。微臣羣慶祝。

稱揚喜捨光。

第八上應大喜捨光章

臣等伏聞

不仁由於爲富。仗義自克。疏財。義發
於情之所鍾。仁生於喜之所注。事有
巨細。行無醇疵。在昔
彌羅聖主。大放是光。無與等者。
元皇累世。上以應之。假姚萇以如意。
肯一擲而付奇珍。惠穀米於許容。
曾三顧而施粟雨。哀人祈嗣。感則降

生。舍己血肉。甚則殉命。不曰喜捨。
。復何等倫。臣等忝列人身。幸生中
土。愛物常疏。肥家倍切。仰對
元皇。曷勝欽仰。敬禮喜捨。大放光
明。倘能叨沐是光。照耀厥身前後。
弗貪爲寶。善與人同。胥物我而皆忘
。推立達於無間。全消鄙吝。得號善
人。踴躍歡欣。五體投地。
至心敬禮

梵監天七曲周天更生永命天尊
梵監天兩劍軸地更生永命天尊
梵監天右拳飛來更生永命天尊
梵監天左抱三竺更生永命天尊
梵監天鳳凰兆瑞更生永命天尊
梵監天鰲岫呈祥更生永命天尊
梵監天垂慈憫苦更生永命天尊

拜請

大元皇。潼嶺儀鳳凰。微臣羣則效。

稱頌皈依光。

第九上應大皈依光章

臣等伏聞。

吉人好善。見則思齊。慧眼觀時。有
投即合。點睛來化。輒從之而如流。
萍水相遭。復叩之而響應。一心皈依命
。百體咸依。在昔
彌羅聖主。大放是光。無與等者。
元皇累世。上以應之。得金像而禮

玉清。初皈。
元始。在蜀岡而逢。
太上。繼依。
降生。○
釋迦佛之指迷。○全消往劫。○
文宣王之師事。○轉握文衡。○不曰皈依。
。復何等倫。○臣等忝列人身。○幸生中。
土。業儒弗專。○信道未篤。○仰對。
元皇。曷勝欽仰。○敬禮皈依。○大放光。

明。倘能叨沐是光。照耀厥身前後。
禮佛參經。仰希梵證。奉真朝斗。念
切玄靈。修身以法聖賢。寡過以衛名
教。踴躍歡欣。五體投地。

至心敬禮

梵寶天靈風太和更生永命天尊
梵寶天玉音精粹更生永命天尊
梵寶天百千萬化更生永命天尊
梵寶天九十六生更生永命天尊

梵寶天善開人心更生永命天尊
梵寶天永壽國脈更生永命天尊
梵寶天應夢保生更生永命天尊

拜請

大元皇。保護立綱常。微臣羣對越。
稱揚利益光。

第十上應大利益光章

臣等伏聞。

明通公溥。利物靡窮。忠恕推行。益

人匪淺。惟存心。不私夫一己。斯博
愛。遠及於無疆。在昔
彌羅聖主。大放是光。無與等者。
元皇累世。上以應之。沔水賦而息讒
言。吉甫賴以不替。白駒賡而留賢者
。仲將得以無遺。惠宜壽獲。久失之
親。憫任盈還。難尋之女。不曰利益
。復何等倫。臣等忝列人身。幸生中
土。自利爲懷。謀身獨密。仰對

元皇。曷勝欽仰。敬禮利益。大放光
明。倘能叨沐是光。照耀厥身前後。
矢洪慈於物類。普大惠於黎元。已溺
已飢。弗敢委身局外。欲立欲達。恒
懷博濟寰中。一視同仁。羣生在宥。
踴躍歡欣。五體投地。

至心敬禮

梵摩天現紫雲巖更生永命天尊
梵摩天持如意杖更生永命天尊

梵摩天坐神龍騎更生永命天尊
梵摩天披白袷衣更生永命天尊
梵摩天作混元輔更生永命天尊
梵摩天編列仙籍更生永命天尊
梵摩天掌桂香藉更生永命天尊

拜請

大元皇。慈愛遍遐荒。微臣羣歷數。
稱揚慈悲光。

第十一上應大慈悲光章

臣等伏聞。

悲憫貽召棠之慕。慈祥開甘露之門。
萬物歸懷。是誠在我。一夫不獲。曰
予之辜。在昔
彌羅聖主。大放是光。無與等者。
元皇累世。上以應之。中流砥柱。遂
回犯闕巢兵。法雨宏施。乃拯苴城旱
魃^拔。醫術精而藥符治病。篙師化而隴
右安居。豈弟興歌。瘟鬼受制。不曰

慈悲。復何等倫。臣等忝列人身。幸
生中土。痼瘵罔念。家室專營。仰對
元皇。曷勝欽仰。敬禮慈悲。大放光
明。倘能叨沐是光。照耀厥身前後。
體好生之意。行方便於時時。切救苦
之懷。作陰功之種種。效厥慈父。同
茲悲心。踴躍歡欣。五體投地。

至心敬禮

迦夷天玉真仙境更生永命天尊

迦夷天長生天王更生永命天尊
迦夷天宏仁大帝更生永命天尊
迦夷天管天地水更生永命天尊
迦夷天收五嶽形更生永命天尊
迦夷天三教宗師更生永命天尊
迦夷天七曲靈應更生永命天尊

拜請

大元皇。精英萃蜀岡。微臣羣齋遯。
稱揚解脫光。

第十二上應大解脫光章

臣等伏聞。

見道不真。難言解悟。繫塵未脫。空
自勞形。六通具而百慧生。三業淨而
萬緣息。無幽弗燭。有感斯通。在昔
彌羅聖主。大放是光。無與等者。
元皇累世。上以應之。受歸寂於異人
。頓悟此身之寄。反蜀門而行化。深
明遇毒之因。崆峒再往如歸。大丹得

傳遂達。不曰解脫。復何等倫。臣等
忝列人身。幸生中土。膠於生死。溺
在塵寰。仰對
元皇。曷勝欽仰。敬禮解脫。大放光
明。倘能叨沐是光。照耀厥身前後。
心悟正宗。不作密羅之鳥。跡超方外
。甯同坐井之蛙。塵氛掃而心與天遊
。俗見澄而智與物化。踴躍歡欣。五
體投地。

至心敬禮

波梨天道參元始更生永命天尊
波梨天梵證如來更生永命天尊
波梨天飛鸞開化更生永命天尊
波梨天如意救劫更生永命天尊
波梨天祥儲北斗更生永命天尊
波梨天瑞顯南宮更生永命天尊
波梨天奎璧光聯更生永命天尊

拜請

大元皇。靈通闇日章。微臣羣慕悅。
稱揚如意光。

第十三上應大如意光章

臣等伏聞

天道猶有盈虧。人生豈無缺陷。惟永
貞而歷劫。斯如意以相償。有願皆從
。無求弗獲。在昔
彌羅聖主。大放是光。無與等者。
元皇超世。上以應之。盡孝忠於九十

六生。堪膺帝眷。廣功德於百千萬化。
。克洽天心。賜之仗以尊師。錫以名
而應宿。指揮在手。願欲從心。不曰
如意。復何等倫。臣等忝列人身。幸
生中土。混處塵凡。遇多艱阻。仰對
元皇。曷勝欽仰。敬禮如意。大放光
明。倘能叨沐是光。照耀厥身前後。
心有欲而皆從。事無乖而屢中。周規
折矩。常懷浩落之天。食德飲和。盡

是光亨之日。願無弗遂。行無弗成。
踴躍歡欣。五體投地。

至心敬禮

答恕天闡大洞經更生永命天尊
答恕天闡大洞法更生永命天尊
答恕天闡大洞籙更生永命天尊
答恕天南昌保命更生永命天尊
答恕天南極平衡更生永命天尊
答恕天南斗注生更生永命天尊

答恕天南宮代育更生永命天尊

拜請

大元皇。浩蕩總難量。微臣羣景仰。
稱揚神通光。

第十四上應大神通光章

臣等伏聞。

神無弗照。通則稱靈。大叩大鳴。空
谷有傳聲之應。小鳴小叩。屋漏有聞
見之徵。在昔

彌羅聖主。大放是光。無與等者。
元皇超世。上以應之。迷徑傳燈。伏
孫樵之倨傲。化身截路。挫力士之強
梁。佈陣踞胡牀。不假刀而麻秋授首
。武廳當晝現。一揚威而信黨皆夷。
不曰神通。復何等倫。臣等忝列人身
。幸生中土。秉姿柔脆。負性平庸。
仰對
元皇。曷勝欽仰。敬禮神通。大放光

明。倘能叨沐是光。照耀厥身前後。
掉一臂之力。亦克希神。具六通之明。
。漸臻能化。雖弗敢齊先覺。尚克無
負後知。慧性融融。靈光炯炯。踴躍
歡欣。五體投地。

至心敬禮

虛明天清淨道真更生永命天尊
虛明天四生慈父更生永命天尊
虛明天萬梵開張更生永命天尊

虛明天三界均利更生永命天尊
虛明天保安拔罪更生永命天尊
虛明天消災解厄更生永命天尊
虛明天純一顯應更生永命天尊

拜請

大元皇。禮樂著冠裳。微臣羣齋沐。
稱揚功德光。

第十五上應大功德光章
臣等伏聞

業建爲功。恩周曰德。扶危解厄。功垂樂利之休。除暴去殘。德種萬千之果。惟揚功而莫罄。斯食德以靡窮。在昔彌羅聖主。大放是光。無與等者。元皇超世。上以應之。淮山神之請。孽虎是殲。戒水族之爭。江龍聽制。苴侯見奪。兼返火於李轅。褒邑免湮。同安瀾於白馬。不曰功德。復何等。

倫。臣等忝列人身。幸生中土。建白
無心。韶華虛度。仰對
元皇。曷勝欽仰。敬禮功德。大放光
明。倘能叨沐是光。照耀厥身前後。
雞鳴而起。時存濟物之心。犬吠無嫌
。念切仁民之旨。寸功勉效。一德相
師。踴躍歡欣。五體投地。
至心敬禮
堂曜天道高千古更生永命天尊

堂曜天威統萬靈更生永命天尊
堂曜天聖不可知更生永命天尊
堂曜天化不可測更生永命天尊
堂曜天上靈上聖更生永命天尊
堂曜天總握文衡更生永命天尊
堂曜天永固皇猷更生永命天尊

拜請

大元皇。俎豆薦馨香。微臣羣瞻就。
稱揚圓滿光。

第十六上應大圓滿光章

臣等伏聞。

妙行不圓。難期成聖。神功不滿。烏
足配天。三千餘劫之修。既肇於前。
九十八端之化。應隨於後。在昔
彌羅聖主。大放是光。無與等者。
元皇超世。上以應之。師資者孔孟伊
周。暢學者仁義道德。證安樂於不動
。釋號菩薩。近紫微而處優。玄通碧

落。三教宗師。天人倚仗。不曰圓滿。
。復何等倫。臣等忝列人身。幸生中
土。不醇不備。無始無終。仰對
元皇。曷勝欽仰。敬禮圓滿。大放光
明。倘能叨沐是光。照耀厥身前後。
策怠惰以潛修。絕二三以邁往。鼓濟
屯之氣。務使辦道功圓。效習坎之孚
。庶幾觀光志滿。踴躍歡欣。五體投
地。

至心敬禮

赤明天輔元開化更生永命天尊
赤明天司命司祿更生永命天尊
赤明天職貢職舉更生永命天尊
赤明天允武允文更生永命天尊
赤明天克忠克孝更生永命天尊
赤明天種詩書果更生永命天尊
赤明天培陰鷲田更生永命天尊

拜請

大元皇。天地合無疆。微臣羣舞蹈。
稱無能勝光。

第十七上應無能勝光章

臣等伏聞。

聲臭俱無。始謂上天之載。代神莫測。
。斯膺帝號之尊。統諸曜以懷柔。合
萬神而朝禮。仁同慈父。願若海涵。
在昔
彌羅聖主。大放是光。無與等者。

元皇超世。上以應之。
元始冊命。躋南極之長生。
玉帝褒封。位文昌而開化。玄圭朱履。
。非人世之冠裳。鳳輦龍輿。異羣真
之服御。化於普。化於雅。臺立昭明
。移於瀘。移於黔。陶成善類。鬼神
聽禍福之命。日月擬同照之明。蕩蕩
難名。巍巍罕世。不曰無能勝。復何
等倫。臣等忝列人身。幸生中土。遵

道半塗。力仁一日。仰對
元皇曷勝欽仰。敬禮無能勝。大放光
明。倘能叨沐是光。照耀厥身前後。
德修罔覺。主善爲師。日異月新。將
增高而繼長。超前軼後庶彰往而察來
。踴躍歡欣。五體投地。
至心敬禮

和陽天統轄六府更生永命天尊
和陽天掌管三界更生永命天尊

和陽天燮理五行更生永命天尊
和陽天君齊四御更生永命天尊
和陽天品配三元更生永命天尊
和陽天位尊八極更生永命天尊
和陽天化洽九天更生永命天尊

回向

伏念。困勉雖遜生安。下學亦思上達。
。弗敢邀福。天福豈無躬膺。弗敢希
名。美名必有肇錫。以今歷稽

帝瑞。上印
高穹。十七世之變化靡窮。十七光之
輝煌莫罄。如符節之渾合。見後先之
同揆。贊頌之餘。漫懷冀幸。撫躬自
問。竊欲希祈。才辯聰明。便稱智慧
。家門昌盛。是獲吉祥。化狎侮而守
默雌。得托忍辱柔和之列。無顯榮而
居坦易。庶叨平等自在之風。望道皈
依。修途無礙。扶危濟急。大利益於

喜捨之中。恤寡矜孤。廣功德於慈悲
之內。絕塵緣而解脫。聚精一而神通
。功行圓滿。逍遙如意。不息以自強
。上乘而無勝。行見希天有自。瞻聖
匪遙。宜乎洙泗淵深。不拒互鄉童子
。文昌高拱。引升悔勉中人。揚厲鋪
張。莫罄化神之蘊。屏營激切。惟銘
肺腑之私。捧送
龍輿。回光帝闕。慶恩膏之普徧。消

災癘於無形。億類沾恩。千秋戴德。
稽首頓首。謹抒丹悃。而獻頌曰。

元皇鍾秀靈。道德冠古今。
三教身兼備。九天最上乘。
先覺覺後覺。生民孰比京。
儒宗叨化雨。名教賴干城。
聲靈常顯赫。司籙佐昇平。
大聖宏仁救劫大天尊三稱

九十餘化妙難量
一十七世放祥光
百代顯靈垂感應
千秋執政主文章
常乘白馬遊寰宇
每降飛鸞整紀綱
衆等呼嵩齊頌祝
桂香宮殿正稱揚

九天元皇文昌帝君救劫集福寶懺

文昌帝君救劫集福寶懺——初版敬印

各界善長贊助芳名錄（恕乏尊稱）

- | | | | |
|-----------------------|-----------|--------|--------------------------|
| 何 美壹仟元 | 陳 欽捌佰元 | 吳耀東伍佰元 | 廖 柳 黃葆基 黃焯勳 梁祐蓮 程其光 |
| 葉綿修伍佰元 | 張光隧伍佰元 | 高高乙叁佰元 | 明劍雄 李 威 張海廉 葉錫輝 葉錫強 |
| 慶雲古洞貳佰元 | 張漢之貳佰元 | 任崇鑑貳佰元 | 周有卿 黃 明 許 宅 潘崇璋 吳崇億 |
| 胡慧通貳佰元 | 麥勤修貳佰元 | 李鶴旋貳佰元 | （以上合捐港幣壹仟陸佰元正） |
| 陸燕修壹佰伍拾元正 | 林素蓮壹佰伍拾元正 | | 勞偉勳陸拾元 李笑梅捌拾元 |
| 樊 宅壹佰貳拾元正 | | | 任錦濤捌拾元 何恒蓮捌拾元 |
| 樂助壹佰元善長芳名：董福蔭堂 梁馬燕屏 | | | 樂助叁拾元善長芳名：區惠芳 何贊宗 |
| 梁詮修 李 英 鄧 福 勞兆棠 區 標 | | | 何俊賢 何誠斌 鍾高雯 黎崇晁 郭高康 |
| 何協修 盧葦生 盧忠興 盧忠良 盧忠傑 | | | 傳澤南 傳鄧卓萍 傳玉棠 傳善庭 馮傳玉君 |
| 盧忠耀 盧坤儀 劉桂珍 趙展修 林枝鴻 | | | 吳傳善儀 梁傳偉賢 吳 旋 鍾 坤 羅侶平 |
| 陳聲震 梁宏開 謝劍修 戴銘修 林勝修 | | | 許富光 （以上合捐港幣伍佰捌拾元正） |
| 何陶修 李添成 崔沛玲 麥高求 劉盈修 | | | 郭媚珠貳拾伍元正 李家宴貳拾伍元正 |
| 李鳳玲 黃柏齡 李華傑 馮幼冰 林高樂 | | | 樂助貳拾元善長芳名：鄭喜木 鄭華華 |
| 郭亦蓮 許松山 （以上合捐港幣叁仟捌佰元） | | | 馮步蓮 李慧和 鍾高練 白信方 陸錦滔 |
| 樂助伍拾元善長芳名：殷 宅 唐宥蓮 | | | 葉錦源 （以上合捐港幣壹佰陸拾元正） |
| 蔡標蓮 梁奩霄 梁勁中 麥 添 黃品修 | | | 樂助壹拾元善長芳名：曾香珠 黃志鑫 |
| 老蕃蓮 梁筏蓮 陳偉文 陳偉基 譚聿修 | | | 魏 洪 崔泰林 崔鎮林 （以上合捐港幣伍拾元正） |

龍炳蓮 蔡覺真 蔡學文 梁煥瓊 黃崇慈
港幣壹萬壹仟貳佰圓整交與德信公司承印

文昌帝君救劫集福寶懺壹仟冊佰本。

每本印刷費港幣捌圓計共付印刷費港幣壹萬壹仟貳佰圓整。(數目收支兩訖)

癸亥年季夏初版壹仟冊佰本

送經處：

一。抱道堂有限公司 香港北角書局街23號美輪大廈十八樓 電話：五—六三二六七四

二。雲泉仙館有限公司 香港皇后大道西335號崑保大廈廿一樓 電話：五—四零九九七七

三。雲泉仙館道教圖書室 新界粉嶺坪輦路大埔田村 電話：零—九四二一九四

電話：零—九四五一二八

電話：零—九四三九三三

(非賣品)

歡迎翻印 功德無量

流通傳誦 福有攸歸